

ՈՐՈՇՈՒՄ ԹԻՎ 20-111

ԿԱԼԻՖՈՐՆԻԱ ՆԱՀԱՆԳԻ ԳԼԵՆԴԵԼ ՔԱՂԱՔԻ ՔԱՂԱՔԱՅԻՆ ԽՈՐՀՐԴԻ ՈՐՈՇՈՒՄԸ՝ ՓՈՓՈԽԵԼՈՒ ԵՎ ԵՐԿԱՐԱԶԳԵԼՈՒ ԳԼԵՆԴԵԼ ՔԱՂԱՔԻ ԱՐՏԱԿԱՐԳ ԻՐԱՎԻՃԱԿՆԵՐԻ ԼԻԱԶՈՐՈՒԹՅԱՆ ՆԵՐՔՈ ՀՐԱՊԱՐԱԿՎԱԾ ՆԱԽԿԻՆ ՈՐՈՇՈՒՄԸ, ՈՐՈՎ ՏՐՎԵԼ ԵՆ ՀԱՆՐԱՅԻՆ ՀՐԱՄԱՆՆԵՐ՝ COVID-19-Ի ՊԱՏՃԱՌՈՎ ԴԵՄՔԻ ՊԱՇՏՊԱՆԻՉ ՄԻՋՈՑՆԵՐ ԿՐԵԼՈՒ ԵՎ ՍՈՑԻԱԼԱԿԱՆ ՀԵՌԱՎՈՐՈՒԹՅԱՆ ՎԵՐԱԲԵՐՑԱԼ; ԵՎ ԱՅԼ ՀԱՐԱԿԻՑ ԵՎ ՕՐԻՆԱԿԱՆ ՆՊԱՏԱԿՆԵՐՈՎ

Հաշվի առնելով, որ միջազգային, ազգային, նահանգային և տեղական առողջապահական և կառավարական մարմիններն արձագանքում են շնչառական հիվանդության բռնկման հետևանքներին, որն առաջացել է Կորոնավիրուս 2019 (COVID-19)՝ նոր տիպի կորոնավիրուսով պայմանավորված ծանր սուր շնչառական հիվանդության պատճառով, և վիրուսի ախտանիշների թվում են՝ ջերմությունը, հազը և դժվար շնչառությունը, իսկ վարակված անձանց շրջանում տարբեր արդյունքներ են գրանցվել՝ թեթև հիվանդությունից մինչև ծանր հիվանդություն և մահ; և

Հաշվի առնելով, որ 2020 թ. մարտի 4-ին Կալիֆորնիա նահանգի նահանգապետը հայտարարեց արտակարգ դրություն՝ լրացուցիչ ռեսուրսները մատչելի դարձնելու, նահանգային բազմաթիվ գործակալություններում և գերատեսչություններում արդեն իսկ սկսված արտակարգ իրավիճակի գործողությունները պաշտոնական դարձնելու և նահանգում COVID-19-ի ավելի լայն տարածմանը նախապատրաստվելուն օգնելու նպատակով; և

Հաշվի առնելով, որ 2020թ. մարտի 4-ին Լոս Անջելեսի վարչաշրջանի վերակացուների խորհուրդը և Հանրային առողջության վարչությունը հայտարարեցին տեղական և հանրային առողջության արտակարգ իրավիճակ՝ ի պատասխան երկրում կորոնավիրուսի տարածման աճին; և

Հաշվի առնելով, որ 2020 թ. մարտի 13-ին Ամերիկայի Միացյալ Նահանգների նախագահը հայտարարեց ազգային արտակարգ իրավիճակ և հայտարարեց, որ դաշնային կառավարությունը մատչելի կդարձնի արտակարգ իրավիճակների ֆինանսավորումը, որպեսզի աջակցի նահանգային և տեղական իշխանություններին՝ կանխելու COVID-19-ի տարածումը և անդրադառնալու դրա հետևանքներին; և

Հաշվի առնելով, որ 2020 թ. մարտի 16-ին Գլենդելի քաղաքային խորհուրդը, համաձայն Գլենդելի Քաղաքային օրենսգրքի 2.84 գլխի, հայտարարեց տեղական արտակարգ դրություն և կարգադրեց փակել և մուտքի սահմանափակումներ կիրառել

որոշ հասարակական հաստատությունների վրա; և

Հաշվի առնելով, որ կորոնավիրուսի տարածումը նվազեցնելու նպատակով Կալիֆորնիա նահանգի, Լոս Անջելեսի վարչաշրջանի և Գլենդել քաղաքի քաղաքացիների ձեռնարկած ջանքերը վերջին մի քանի ամիսների ընթացքում պսակվել են բավարար հաջողությամբ, Վարչաշրջանի առողջապահության պաշտոնակատարը շարունակում է թույլատրել զգուշորեն, աստիճանական վերադարձը՝ ավելի շատ բիզնեսների, սոցիալական և այլ գործունեությունների համար; և

Հաշվի առնելով, որ քաղաքում վերաբացման այս լրացուցիչ բաղադրիչներն ավելացնելով՝ մարդիկ ավելի շատ են շփվելու միմյանց հետ՝ ստեղծելով ռիսկ, որ վիրուսի փոխանցումը կավելանա, և ամենաուժեղ պաշտպանություններից մեկը, որը մենք՝ որպես հասարակություն, կարող ենք իրականացնել, քանի դեռ շարունակում ենք ավելի շատ անձամբ շփվել միմյանց հետ, դա դիմակների ավելի շատ օգտագործումն է; և

Հաշվի առնելով, որ հիմնարար գիտական ապացույցները ցույց են տալիս, որ երբ դիմակ կրելը զուգորդում ենք ֆիզիկական հեռավորության պահպանման և առողջության և անվտանգության այլ գործելակերպերի հետ, ինչպիսիք են՝ ձեռքերը լվանալը և մակերեսների կանոնավոր ախտահանումը, ապա լրացուցիչ գործողությունները կարելի է վերսկսել հնարավորինս անվտանգ ձևով, և քանի որ մենք հավաքականորեն ավելի շատ ենք գտնվում համայնքում, պետք է համապատասխանաբար ավելացնենք այն քայլերը, որոնք ձեռնարկում ենք՝ մեզ շրջապատողներին պաշտպանելու համար: Դրանով մենք պաշտպանում ենք ոչ միայն մեր համայնքի անդամներին, այլև, ի վերջո, ինքներս մեզ և մեր հարազատներին, հատկապես նրանց, ովքեր տարիքի կամ առողջական խնդիրների պատճառով խոցելի խմբում են գտնվում; և

Հաշվի առնելով, որ, երբ հանրության շրջանում մարդիկ, ընդհանուր առմամբ, կրում են դիմակներ, ապա քաղաքն ավելի լավ է կարողանում շարունակել վերաբացել բիզնեսները և ավելի անվտանգ կերպով վերսկսել գործունեությունը՝ ի շահ բոլորի, և այդ պատճառով, դիմակներ կրելու վերաբերյալ հանրային հրամանը վերանայվում է՝ ընդհանուր առմամբ լուծելու գործունեությունների ավելացման փոփոխությունները, և

Հաշվի առնելով, որ ներկայումս Լոս Անջելեսի շրջանի և Կալիֆորնիայի նահանգի հանրային առողջության պահպանման պաշտոնյաները պահանջում են դրսում՝ հանրության մեջ գտնվելիս, դեմքի պաշտպանիչ միջոցներ կրել՝ սահմանափակ բացառություններով.

ԳԼԵՆԴԵԼԻ ՔՍՂԱՔՍՅԻՆ ԽՈՐՀՐԴԻ ԿՈՂՄԻՑ ՈՐՈՇՎՈՒՄ Է, որ

ԲԱԺԻՆ 1. Արտակարգ իրավիճակների հանրային հրամանը, («Հրամանը»), որը հաստատված է թիվ 20-41 և 20-62 Որոշումներով, և երկարաձգվել է թիվ 20-94

Որոշումով, փոփոխվում է հետևյալ կերպ.

- (A) Օպերատորները կարող են հրաժարվել ընդունել կամ ծառայություն մատուցել ցանկացած անձի, ով (ա) նախատեսված կարգով չի կրում դիմակ, կամ (բ) չի պահպանում Վարչաշրջանի առողջապահության դեպարտամենտի «Տանն ավելի ապահով է» կարգով սահմանված կամ Լոս Անջելեսի վարչաշրջանի հանրային առողջապահության դեպարտամենտի ուղեցույցների կամ արձանագրությունների մեջ նշված սոցիալական (ֆիզիկական) հեռավորության պահանջները:
- (B) Օպերատորները պետք է ձեռնարկեն բոլոր ողջամիտ քայլերը՝ ապահովելու համար, որ այն անձինք, ովքեր բիզնեսի տարածք մուտք գործելու համար կանգնած են հերթում կամ մուտք են գործել, (ա) կրեն դիմակներ, եթե չի կիրառվում Հրամանով սահմանված բացառություն, և (բ) պահպանեն Վարչաշրջանի առողջապահության դեպարտամենտի «Տանն ավելի ապահով է» կարգով սահմանված կամ Լոս Անջելեսի վարչաշրջանի հանրային առողջապահության դեպարտամենտի ուղեցույցների կամ արձանագրությունների մեջ նշված սոցիալական (ֆիզիկական) հեռավորության պահանջները:
- (C) Ինչպես օգտագործվում է սույն դրույթում, «Օպերատոր» նշանակում է բիզնեսի կամ ձեռնարկության սեփականատեր կամ գործադիր անձ:

ԲԱԺԻՆ 2. Արտակարգ իրավիճակների հանրային հրամանը, որը պահանջում է դեմքի պաշտպանիչ միջոցների օգտագործումը, ինչպես հաստատված է թիվ 20-41 և 20-62 Որոշումներով, երկարաձգվել է թիվ 20-94 Որոշումով և սույնով երկարաձգվում է մինչև 2020 թվականի օգոստոսի 31-ը:


ԲԱԺԻՆ 3. Եթե սույն հանրային հրամանի կամ դրա կիրառման որևէ դրույթ անվավեր է ճանաչվում համապատասխան իրավասության դատարանի կողմից, ապա այդ անվավերությունը չպետք է ազդի հրամանների կամ սույն որոշման այլ դրույթների, բաժինների կամ դիմումների վրա, որոնք կարող են ուժի մեջ մտնել առանց անվավեր դրույթի կամ դիմումի, և այդ նպատակով՝ յուրաքանչյուր արտահայտություն, բաժին, նախադասություն կամ բառ հայտարարվում է բաժանելի:

ԲԱԺԻՆ 4. Վերոնշյալ հանրային հրամանների ցանկացած խախտման դեպքում կարելի է դիմել քաղաքային դատախազի գրասենյակ՝ հետաքննության համար՝ Գլենդելի Քաղաքային օրենսգրքի 1.20 գլխով սահմանված կարգով, որը նախատեսում է տուգանքներ՝ ոչ ավել, քան \$1,000-ի չափով, կամ ազատազրկում՝ ոչ ավել, քան վեց ամիս ժամանակով: Յուրաքանչյուր իրավապահ աշխատակից պետք է օգտագործի իր հայեցողությունը՝ այս հրամանի կիրառման շրջանակներում խախտումների համար, և մշտապես մտապահի հրամանի նպատակը: Խախտումները կարող են իրավական լուծում ստանալ նաև Գլենդելի քաղաքային օրենսգրքի 1.24-րդ գլխի դրույթներով, որոնք նախատեսում են տուգանքներ՝ այնտեղ ամրագրված այլ իրավապահական մեխանիզմների հետ մեկտեղ՝ առաջին դատակոչի համար՝ \$400 տուգանք, երկրորդ դատակոչի համար՝ \$1,000 և երրորդի համար՝ \$2,000:


ԲԱԺԻՆ 5. Սույն Որոշումը և համապատասխան կարգադրությունները չեն

փոխարինում Լոս Անջելեսի վարչաշրջանի կամ Կալիֆորնիայի նահանգի կողմից սահմանված ավելի խիստ սահմանափակումներին:

Ընդունվել է Գլենդելի քաղաքային խորհրդի կողմից 2020 թվականի հուլիսի 21-ին:


Mayor


Վրեժ Աղաջանյան
/Քաղաքապետ/


ATTEST:

City Clerk

ԿԱԼԻՖՈՐՆԻԱՅԻ ՆԱՀԱՆԳ
ԼՈՍ ԱՆՋԵԼԵՍԻ ՎԱՐՉԱՇՐՋԱՆ
ԳԼԵՆԴԵԼ ՔԱՂԱՔ

Ես՝ Արամ Աճեմյանս՝ որպես Գլենդելի քաղաքային խորհրդի քարտուղար, սույնով հաստատում եմ, որ վերը նշված թիվ 20-111 Որոշումն ընդունվել է Կալիֆորնիա նահանգի Գլենդել քաղաքի քաղաքային խորհրդի կողմից՝ կանոնավոր ժողովի նիստում, որը տեղի է ունեցել 2020 թվականի հուլիսի 21-ին, և որ նույն որոշումն ընդունվեց հետևյալ քվեարկության արդյունքներով.

Կողմ՝	Բրոթման, Դիվայն, Քասախյան, Նաջարյան, Աղաջանյան
Դեմ՝	Չկա
Բացակա՝	Չկա
Ձեռնպահ՝	Չկա


City Clerk

APPROVED AS TO FORM

CITY ATTORNEY
DATE 7/21/2020